



Caderno da crítica

Cuestionario Proust: María Reimóndez

[Ramón Nicolás 27 Decembro 2013](#)

<https://cadernodacritica.wordpress.com/2013/12/27/cuestionario-proust-maria-reimondez/>

1.– Principal trazo do seu carácter?

– A determinación.

2.– Que calidade aprecia máis nas persoas?

– A honestidade.

3.– Que agarda das súas amizades?

– A flexibilidade necesaria entre aceptarme como son e a honestidade de amosar o desacordo dende o afecto.

4.– A súa principal eiva?

– Son tremendamente esixente con quen teño preto, empezando por min mesma.

5.– A súa ocupación favorita?

– Calcetar.

6.– O seu ideal de felicidade?

– Ser sempre coherente e a ser posible selo en compañía de cada vez máis persoas.

7.– Cal sería a súa maior desgraza?

– Verme en situación de ser dependente.

8.– Que lle gustaría ser?

– O que son, pero mellor. E nunha vida paralela, adestradora canina.

9.– En que país desexaría vivir?

– Neste, pero fondamente mellorado.

10.– A súa cor favorita?

– Toda a gama dos azuis aos malva.

11.– A flor que máis lle gusta?

– Gústame as flores porque son moi diversas pero se teño que quedar con unha, os tróqueles.

12.– O paxaro que prefire?

– Non son moi amiga dos paxaros pero se cadra a pita de monte, por vela dende nena nos escudos dos Ancares.

13.– A súa devoción na prosa?

– Crear personaxes.

14.– E na poesía?

– A interacción entre o persoal e o político.

15.– Un libro?

– Un só? Imposible.

16.– Un heroe de ficción?

– Está aínda por escribirse.

17.– Unha heroína?

– Innumerables pero unha favorita é Berti Bartolotti, unha das protagonistas principais de Konrad ou *O neno que saíu dunha lata de conservas*, de Christine Nöstlinger, un libro marabilloso.

18.– A súa música favorita?

– Novamente, complicado, pero diría que o funk.

19.– Na pintura?

– Vou actualizar a pintura e falar de fotografía, Andrea Costas.

20.– Un heroe ou heroína na vida real?

– Calquera persoa que traballa para saír dos moldes sexistas dados.

21.– O seu nome favorito?

– Non teño ningún, pero gústame Mariña, o da miña avoa.

22.– Que hábito alleo non soporta?

– Fumar e a falta de puntualidade.

23.– O que máis odia?

– O patriarcado e o imperialismo, que tollen a todas as persoas e están na base de case todas as violencias.

24.– A figura histórica que máis despreza?

– Se se lle pode chamar «figura histórica», a José María Aznar.

25.– Un feito militar que admire?

– Non admiro nada que teña que ver co militar, admiro a colectivos como Mulleres de Negro que buscan unir as mans das mulleres pola paz.

26.– Que don natural lle gustaría ter?

– Os dons naturais non me interesan moito, interésanme máis os aprendidos. Nestes gustárame saber tocar algún instrumento musical.

27. – De que maneira lle gustaría morrer?

– Tranquila.

28.– Cal é o seu estado de ánimo máis habitual?

– A efervescencia.

29.– Que defectos lle inspiran máis indulxencia?

– Normalmente aqueles que non implican mala vontade.

30.– Un lema na súa vida?

– Unha man soa non fai música.